

今各處地方水旱亢荒無年無處無之合仍
照旧其言脩倉軍人分作兩班上工免其罪
料已該工部移咨查照其題外及言官攢人
等守支年久故意截漏倉廩要行先放或有
此弊本部行總督巡視京倉通倉內外官員
查勘有無嚴加禁約如有犯者拿問以戒
後來

監追虧折倉糧例

成化十三年六月二十日戶部尚書楊 等題為脩德
政以弭災異事該福建道監察御史手本備開刑
科抄出大理寺署左寺副事左評事等官高銓等
題稱審得犯人趙準等侵欺糧料等項數多除
仰原問衙門仍舊監追外內福州等府常豐等倉攢
典斗級李頭等四起止是收受糧米之時失於鑄鑿廩
底封閉倉廩之後不曾脩整氣樓或不督令如法篩
晒任從一緊混收在倉濕熱相蒸因而氾爛虧折等
情聞坐具本該通政使司官奏奉

聖旨是法司知道欽此欽遵抄出到道着得所奏李頭等
虧折倉糧追陪等情係隸戶部掌行用手本前去
手本到司查得先該本部議得各處官攢人等多

有侵奪倉糧及至監追延捱不納令行都察院會同刑部大理寺議擬今後

大赦贖罪俱不宥免照舊監追等因具題奉

聖旨是正犯逃故的於同變至親家屬名下追陪欽此欽遵外今李顯等虧折倉糧年久追陪不完過因未改正係法司前項議過事體又奉

欽依法司知道本司尤難定奪等因行該福建道監察御史手本開稱查得廣東道一起窩審錄罪因事該大理寺右寺副等官廠等奏稱審得犯人林清等監追糧米止欠一百餘石數亦多不奏奉

聖旨法司知道欽此欽遵備行戶部照依前項事例覆奏照得監追移咨本院施行外今李顯等虧折糧米比與林清等事體相同況李顯等罪名俱各過革將窩監追糧

米日久不免奏來定奪等因及查得先該右寺副等官柯燉等奏稱審得犯人林清等三名載裝官糧前去吳州縣倉上納行至海濱地面因見米價高貴與都糧官吏議允分投糶賣銀兩入已問擬監守自盜監追日久難於剏決具題奉

聖旨是法司知道欽此欽遵廣東道備抄粘連手本到司本部議得兩廣正係用兵去處運去供邊糧米却被盜賣雖捱止有一百餘石未完若准免追誠恐後犯做實該邊供已經奏

准照舊監追去後今李顯等一百八名俱係典守倉糧之人雖侵欺盜賣事体不同緣虧折糧米多至六千恐奸人得計一槩做做不惟無戒將來抑且倉糧愈缺案呈臣等切詳

朝廷頒賜詔赦并降勅審錄各處囚犯固同一

欽恤之仁分而觀之則

認害之恩尤爲廣大前項虧折糧米遇

赦既不宥免審錄又豈應除合無仍行都察院轉行福建

按察司將見監犯人李頭等各名下該追糧米作急照

數追完徑自釋放以後各處審錄官員凡遇似前監追

倉糧人犯仍照此例施行具題奉

聖旨是都要照數監追欽此